

---

DISSERTATIO MEDICA

INAUGURALIS

DE

LENTIS CALIGINE.

---



DISSERTATIO MEDICA  
INAUGURALIS

DE

LENTIS CALIGINE:

*QUAM,*

·ANNUENTE SUMMO NUMINE,

EX AUCTORITATE REVERENDI ADMODUM VIRI,

D. GEORGII BAIRD, SS. T. P.

*ACADEMIÆ EDINBURGENÆ PRÆFECTI;*

NEC NON

Amplissimi SENATUS ACADEMICI Consensu; et

Nobilissimæ FACULTATIS MEDICÆ Decreto;

PRO

*GRADU DOCTORIS,*

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

ERUDITORUM EXAMINI SUBJICIT

JEREMIAS KIRBY,

*ANGLUS,*

SOCIET. REG. MED. EDIN. SOD.

VIII<sup>o</sup> Calend. Julii, horâ locoque solitis.

---

---

Quæ lædunt oculum, festinas demere.

HOR.

---

---

EDINBURGI:

EXCUDEBANT ADAMUS NEILL ET SOCII.

---

---

1802.

322291



VIRO NOBILI,

ALEXANDRO MURRAY,

BARONI DE ELIBANK,

OB

PLURIMA BENEFICIA,

IN EUM

COLLATA;

HOC

QUALECUNQUE SIT

TENTAMEN,

D. D. D. QUE

A U C T O R.



Digitized by the Internet Archive  
in 2020 with funding from  
Wellcome Library

ITEMQUE,

PATRI DILECTISSIMO,

NUNQUAM NON VENERANDO,

GULIELMO KIRBY, M. D.

CAMALODUNI,

IN ESSEXIA PRÆFECTURA,

MEDICINAM FACIENTI,

PIETATE,

QUA DECET,

SACRUM

VULT

AUCTOR

Ἰὼ σκότῃ νέφος ἑμὸν  
Ἀπότροπον, ἐπιπλόμενον,  
Ἀφατον ἀδάμασόν τε  
Καὶ δυσέρισον· οἴμοι,  
Οἴμοι μάλ' αὔθις.—

SOPH. Oedip. Tyr.



# DISSERTATIO MEDICA

## INAUGURALIS

DE

# LENTIS CALIGINE.

---

### PROOEMIUM.

§ 1. **O**CULUS, ejusque vitia, attentionem medicorum, tum veterum, tum recentiorum, meritò vindicaverunt; nimirum quòd, hujus organi excellentissimi ope, tot tantisque deliciis fruimur, cœlum, terras perlustramus, et plurimas informationes gratissimas, nullo alio sensu consequendas, accipimus. Operæ pretium, igitur, me facturum arbitratus sum, si, hujus almæ Academiæ institutis pariturs, quædam de hac re colligerem atque explicarem.

A

II. Hoc

II. Hoc proposito, morbum frequentissimum molestissimumque, Cataractam nempe, paginis hisce sequentibus breviter exponere statui.

III. Morbus, quem Græci Ὕποχύσιν seu Ὕποχύμα, Latini autem Suffusionem, appellabant, jamdudum sub nomine Cataractæ a medicis satè superque notus est. A CULLENO, nosologorum facilè principe, Caligo Lentis nuncupatus est, et ab eodem sic definitur :

“ Caligo Lentis, ob maculam opacam ponè  
“ pupillam.”

IV. Etsi ejus naturam antiqui ignorabant, quippe qui velum quoddam opacum ante crystallinum humorem pensile esse existimarent, curationem tamen, depresso scilicet corpore opaco, benè intellexerunt. Cataractam cum Amaurosi, vulgò Gutta Serena, planè confundebant.

V. Apud plurimos pro certo habitum est, naturam ejus veram ante MAITRE-JEAN non rectè intellectam esse ; errant verò, siquidem, teste etiam SENNERTO, nonnulli sui temporis illam lentis crystallinæ obscuracionem esse putabant,

tabant, quod ipse non negat, sed, anne vitium istud Suffusio dici possit, dubitat.

VI. In libro “ Journal des Sçavans ” dicto, est legi sententia, quam, ut attentione dignam, transcribere liceat :

“ ARISTOTE, GALIENS, et tous les anciens,  
“ étoient demeurés d'accord, que la vision se  
“ fait dans cette humeur de l'œil qu'on ap-  
“ pelle CrySTALLIN, à cause de sa transparence  
“ et de sa solidité ; mais quelques auteurs mo-  
“ dernes ont allegué trois fortes raisons contre  
“ cette opinion ; et l'experience qu'on a faite,  
“ depuis quelque temps, l'a entièrement dé-  
“ truite : Car les oculistes ont trouvé, qu'il  
“ n'avoit point d'autre moyen de guerir la  
“ maladie des yeux, appelé vulgairement la  
“ Cataracte, que d'abattre la crySTALLIN ; de  
“ sorte qu'ils ont rendu l'usage des yeux à  
“ plusieurs personnes, en rendant inutile cette  
“ partie, que les anciens croyoient la princi-  
“ pale organe de la vision.”

VII. Hæc, anno circiter 1668 scripta sunt, antequam MAITRE-JEAN floruiſſet.

VIII. Cataractæ

VIII. Cataractæ species tres apud auctores vulgò enumerantur, scil.

*1ma*, Lentis ipsius opacitas ;

*2da*, Capsulæ lentis opacitas ; et

*3tia*, Interstitialis ita dicta.

IX. De postrema nihil est in animo scribere ; et species secunda vix attentionem nostram meretur, utpote quæ rarissimè occurrat.

X. Testatur RICHTERUS \* eam, tunc temporis, semel tantùm illi contigisse videre. Usitatè Cataracta Membranacea audit.

XI. Modò faciem capsulæ posteriorem, modò anteriorem occupat ; aliquando ex latere utrovis sedem habet. Vix, nisi in casu primo, sanationem admittit. Aliàs Secundaria dicitur quod fit sæpenumero Caliginis Lentis consequens, præsertim post crySTALLINI depressionem.

HIS-

---

\* Fascicul. de Cataracta.



## HISTORIA SIGNORUM.

xii. Haud æquo pede in omnibus aggreditur morbus. Alios subitò corripit ; et dierum spatio paucorum, caligo obcæcat oculos ; quin et uno die, rarissimè tamen, crassa et consummata cataracta observata fuit \*. Alios gressu tardiore, infidioso, invadit.

xiii. Centrum lentis, plerumque, primùm afficitur, et inde ad peripheriam opacitas gradatim extendit.

xiv. Accedente morbo, æger, interdum, præsertim ferè in luce clariore, aut in aprico, visum ejus solito hebetiorem esse sentit ; per nebulam quasi, per fumum aut cornu, omnia videntur.

xv. Si aliquid per foramen parvum, in charta luforia scilicet, inspicere conetur, circulum nebulosum, coloratum, foramen implere, impedientem, quo minus objectum cernatur, videbitur.

xvi. Sæpe

---

\* FERNEL Path. lib. i. cap. 6.

xvi. Sæpe æger objecta ex utrovis latere sita conspicere potest, quæ recto oculo visibilia non sunt.

xvii. Hoc tempore quoque, visus luce obscuriore, ut in crepusculo, plerumque clarior est; haud semper verò res ita se habet; tum autem opacitas latiùs per lentem diffunditur.

xviii. Alii, initio morbi, muscas volitantes, culices pusillos, filios splendentes et similia, huc illuc ante oculos versari vident; aliis autem hæc simulachra absunt.

xix. Si opacitas mediam lentem non occupaverit, sed marginem ex aliqua parte invaserit, objectum quodvis orbiculare, ab ægro inspectum, margine imperfecta apparebit. Piscatorem quendam in Nosocomio Edinensi noveram, qui mihi retulit, se primùm visum suum deficientem sentire, quod lunam plenam, clarâ nocte, adspiciens, eam quasi mutilatam vidit.

xx. Tandem, citiùs seriùsve, lens tota obscuratur, miserque aut a luce omninò excluditur, aut saltem lucem e tenebris tantùm distinguere potest.

xxi. Dum hæc aguntur, oculus ipse affectus parùm aut nihil dolet; aliàs autem, initio morbi,

morbi, dolor sævus, aliàs sensus alicujus, ut pulveris aut arenæ, infra palpebras intrusi, percipitur.

xxii. Oculum modò alterum, modò utrumque, occupat caligo; hoc autem frequentius videtur, et siquando utervis caligatus fuerit, alter haud longo plerumque afficietur.

xxiii. Hæc sunt signa præcipua, quæ ipsis cataractâ laborantibus percipiuntur: de iis, quæ chirurgo, oculum inspicienti, sint videre, in diagnosi tractando potius dicendum esse censeo.

### CAUSÆ REMOTÆ.

xxiv. Caligo lentis rarò congenitus est morbus, quamvis non desunt exempla infantum ex eadem obcæcatorum.

xxv. “Tres vidi infantes,” inquit RICHTERUS\*, “sanis cæterum parentibus ortos, qui, sub initio tertii ætatis anni, singuli cataractâ visum perdiderunt.”

xvi. Certum

---

\* RICHT. loc. cit.

xxvi. Certum tamen est, senes potissimum ei obnoxios esse, ideóque semper inter morbos seniles enumeratur.

xxvii. Apud veteres, convexitas corneæ major, huic vitio proclivitatem dare putabatur; nec injuriâ, siquidem, quò major convexa cornea fit, eò obnoxior est vi externæ, unde cataracta toties originem ducit.

xxviii. Multi labem hæreditariam incusârunt, quòd plures ejusdem familiæ hoc morbo laboraverunt.

xxix. Fateor, me *catalogum* morborum hæreditariorum justo numerosiore esse arbitrari. Podagra, struma, phthisis, calculus, mania, quid non? a parente in filios descendunt; quinetiam virtutes sceleraque a quibusdam hæreditaria habentur. Filii naturâ parentes imitantur, vitam similem degunt, adeóque habitus tam animi quàm corporis ferè idem est; hinc causis morbi abditis finilibus obnoxii fiunt.

xxx. Inter causas quæ lentis caligini proclivitatem maximè præbeant, quæcunque debilitatem corporis universalem inducant, meritò



ritò numerantur. Tales sunt, Venus immodica et liquorum spirituosorum abusus.

xxxI. Nihil oculos obcæcare magis ac immodica Venus valet : indéque viri νεογάμοι, qui amoris dulcedine nimium indulgere solent, visûs hebetudine sæpenumerò laborant.

xxxII. Qui in se liquores meraciores ingurgitare assuescunt, huic morbo quoque maxime proclives sunt.

xxxIII. Tantum de Causis plerisque abditis seu Prædisponentibus : restat ut evidentes seu EXCITANTES breviter explicem.

xxxIV. Hæ in oculum ipsum agunt, illæ totum corpus afficiunt.

xxxV. De his in universum, observare sufficiat, quod quæcunque oculo inflammationem graviolem inducere polleant, caligini ansam præbere possunt.

xxxVI. Nunc per corneam, nunc per lentem, caligo sese diffundit, cujus rei rationem dare nequeo ; verum, ut probabile est, quo gravior inflammatio, eò latius oculum afficiet.

xxxVII. Causæ quæ, oculi inflammationem excitando, lentis caliginem inducant, sunt

B

præcipuè,

præcipuè, vis externa ; radii lucis aut caloris nimiâ copiâ in oculum intromissi ; lucis cum tenebris subitanea commutatio ; acria chemica varia, ut acidi nitrosi vapores ; nimius oculorum usus.

xxxviii. Radios lucis et caloris hoc efficere posse experientia comprobat, quòd homines, qui artibus Vulcanicis multùm versantur, ut fabri et vitrarii, sæpissimè caliginosi fiunt.

xxxix. Huic causæ æquè ac arenæ particulis oculo immixtis, tribuendum est quòd tot milites Europæi in Ægypto merentes, ophthalmiis gravissimis affecti fuerunt.

xl. Radii lucis tam ab arenis Africæ quàm a nivibus Laponiæ, in oculum reflexi, similes effectus edunt.

xli. Frequens et subitanea lucis majoris cum obscuritate, aut lucis lucernæ cum luce solis mutatio, simili modo oculos lædit.

xlII. Inde patet quare nautæ, qui in navibus longis vitam degunt, huic morbo ita sint proclives ; modò in obscuro sedent, seu variis in modis sese exercent ; modò solis summo splendori objiciuntur.

xlIII. Dicit

XLIII. Dicet aliquis, Hi nautæ multum liquoris spirituosi ingurgitare solent, quod ut tuipse suprà monuisti, causa est caliginis per- frequens.

XLIV. Fateor; sed liquores spirituosi, non nisi post longum tempus, debilitato corpore universo, cataractam inducunt; hæc verò lucis cum tenebris mutatio ipsum oculum citò afficit.

XLV. Milites ad naves duos muneri infuetos, quum propter cerevisiæ abundantiam, nihil spiritûs, ut mos est, subministratum esset, brevi nihilominus cataractâ correptos novi. Nunc hi milites magis huic causæ excitanti quàm nautæ objiciuntur, quòd præter solitum navis officium, eorum est sub Jove excubias agere.

XVI. Mulieres, ut videtur, quibus menses cessaturi sunt, præ aliis caligini sunt obnoxia.

### CAUSA PROXIMA.

XLVII. CAUSA cataractæ Proxima, ex nostra sententia, est coagulatio albuminis, ex quo lens crystallina constat; et putamus hanc  
coagulationem,



coagulationem, plerisque, ne dicam omnibus, in casibus, inflammationis esse consequentem.

XLVIII. Similitudinem lentis materiem inter et albumen ovi, propria experimenta, ni fallor, testantur.

XLIX. Lentēs plures bovinas, eas in aqua fervida mergendo, coegi, posteaque aëri, dum exficarentur, exposui.

L. Lentium ita ficcatarum, et albuminis ovi, eodem modo præparati, pondera æqualia actioni aquæ bullientis, acidorum sulphurici, nitrici, muriatici, solutionis potassæ puræ, et aquæ ammoniæ puræ, submisi.

LI. Effectus, ut compertus sum, prorsus similes sequuntur.

LII. In omnibus liquoribus, nempe, lens et albumen, antehac pellucida, opaca fiunt.

LIII. Acidum sulphuricum utraque, calórico extricato, solvit, et liquor pellucidus, ruber, producitur.

LIV. Acidum nitricum, dissociato gasē nitroso, utraque flava reddit, atque pedetentim solvit.

LV. Acidum muriaticum eadem, nisi opaca reddendo, vix mutat.

LVI. In

LVI. In solutione potassæ brevi nigrescunt, et gradatim solvuntur.

LVII. Ammonia nullam mutationem, præter opacitatem, efficit.

LVIII. Lentis oculorum caligatorum, albumen coactum satis aptè referunt : color plerumque subalbidus seu griseus est ; aliquando, revera, nigrefactæ sunt, cujus rei causa adhuc perobscura est. Aliàs magis, aliàs minus, coagulantur, ideóque firmitate variantes reperiuntur.

LIX. Hinc cataractarum in fluidam, duram, mollem, et fluido-duram, divisio.

LX. In tantum non omnibus exemplis, ut mihi videtur, inflammatio cataractam prægreditur, et hanc lentem crystallinam opacam reddere posse, docet *analogia*.

LXI. Etenim, ut notat noster præcl. GREGORIUS, de hac ipsa re, in prælectionibus clinicis agens, in ophthalmiis gravioribus caliginem corneæ ab effusione obductam sæpe-numerò vidimus ; structura autem corneæ lentis fabricæ nequaquam est absimilis, ideóque hanc ex eadem causa simili modo affectam fore concludere licet.

LXII. Si

LXII. Si his objiciatur, Cataractam sæpè, nullâ prægressâ inflammatione evidente, accidisse, ita ut, vel insciente ægro, oculus alteruter caliginosus fiat; respondeo, Sæpè in sectis cadaveribus, eorum, qui pneumoniâ nunquam affecti fuerant, pulmones nihilominus inflammationis pristinæ notas evidentes exhibuerunt.

LXIII. In jecore quoque, scirrhomata, imo etiam apostemata, detecta sunt, etsi, vivente homine, hepatitis omninò, seu magna ex parte latuisset. Quid obstat, cur in oculo eadem, quæ in pneumone et jecore, non eveniant?

LXIV. Quo modo inflammatio coagulationem dictam efficiat, me penitùs ignarum esse confiteor; fortassè calore majore incitato, fortassè sanguinis per vascula lentis circuitum impediendo: effectus quidem vidimus, causas ignoramus.

LXV. Jamdudum MAITRE-JEAN causam cataractæ proximam posuit in humore quodam acido, intra capsulam secreto, atque a lente imbibito; neque hæc ejus opinio, quoad rem, imbibitione



imbibitione exceptâ, ita absurda esse videtur, siquidem, ut antea dictum est, vapores acidi nitrosi vitium hocce citò induxerunt.

## DIAGNOSIS.

LXVI. CALIGINIS lentis diagnosis duas res præcipuè spectat; eam, nempe ab aliis quibusdam oculi vitiis distinguere, et ejusdem varietates internoscere.

LXVII. Imò.—Caligo lentis a caligine corneæ et humorum, dignoscenda est, quòd in illa, cornea, lateraliter perspecta, pellucida videtur.

LXVIII. Ab amaurosi, autem, haud æquè facile distingui potest, nimirum quòd persæpè hæc duo vitia simul oculos afficiant.

LXIX. Incipiente simplice cataractâ, aliquis, oculum affectum inspiciens, opacitatem pone pupillam, mediam ferè lentem occupantem, planè cernet; et progrediente morbo, caliginem quotidie magis magisque incrementem observabit.

LXX. Verùm

LXX. Verùm incipiente et progrediente amaurofi incompositâ, nihil hujusmodi videre est, sed pupilla clara, pellucida, nigra apparet.

LXXI. In cataractâ, plerumque, luce clariore, ut lucernæ, oculo admotâ, iris sese facile contrahit et luce amotâ, denuò relaxatur; haud ita in amaurofi.

LXXII. Cataractâ laborantes plerique luce vividiore pejùs, amaurofi meliùs, videre possunt.

LXXIII. Per totum ferè cataractæ cursum, æger lucem a tenebris discernere potest: in amaurofi res brevi prorsùs aliter se habent.

LXXIV. 2dò.—Neque parvi est momenti, hujus morbi varietates et implicationes agnoscere.

LXXV. Harum præcipuæ sunt, cataractâ nigra; cataractâ cum iridis capsulæ lentis concretionem; et cataractâ cum amaurofi complicata.

LXXVI. Si igitur pupilla nigra sit, iris autem, admotâ lucernâ, facile sese contrahat, sublatâque luce denuò dilatetur, obcæcato  
simul



simul ægro, cataractam adesse nigram, pro certo habere fas est.

LXXVII. Si corpus subalbidum seu griseum, pone pupillam appareat, verùm iris aut nihil aut inæqualiter moveatur, modò ægrotus lucem a tenebris discernere queat; haud iniquum erit concludere, aliquid iridis capsulæ lentis adhærentiæ accidisse.

LXXVIII. Mœstissima est, et prorsus ferè insanabilis illa amaurosis cum cataracta implicatio, notis sequentibus, siquibus, dignoscenda: pupilla opaca est, plerumque coloris subalbidi seu grisei, aliquando nigri; iris immobilis est; miserque homo in densissima nocte, ab omnibus quæ per oculis accipimus deliciis, omnino excluditur.

### PROGNOSIS.

LXXIX. Hujus vitii prognosis, postquam extractio inter chirurgos tantùm invaluit, multò minùs est infausta; quòd plurimas lentes caligatas, quas veteres deprimere nequaquam tentandum esse monebant, extractione

tutò facilèque amoveri posse, experientia docet.

LXXX. “Quod nigrum,” inquit acutissimus LOMMIUS \*, “aut lividum, aut vehementer  
“flavum est, id neque medicinâ curari, ne-  
“que acu potest.” Plures autem talium lentium nuperis annis extractæ sunt †.

LXXXI. Ætas media operationi favet: cataracta autem infantes invadens, rarò tollitur.

LXXXII. Facilior est curatio cataractæ *idiopathicæ*, quàm ejus quæ a debilitate universalis originem ducit.

LXXXIII. Ut antea dictum est, cataracta cum amaurosi implicata vix, aut ne vix quidem, sanationem admittit.

LXXXIV. Si cornea denique caligata fuerit, hæc caligo priùs discutienda est quàm cataractæ curatio tentetur.

## QUÆDAM DE CURATIONE.

LXXXV. SUBINDE cataracta suâ sponte evanuit: exempla hujus duo protulit St YVES.

LXXXVI.

\* LOMMII Obs. Medic. de Suffusione.

† WENZEL on the Cataract, by WARE.

LXXXVI. WATHEN casum cujusdam narrat, qui, postquam cataractâ oculorum utroque annos octodecim laboraverat, tandem feliciter visum recuperavit, eundemque ad finem usque vitæ retinuit \*.

LXXXVII. Exstant exempla cataractæ, ab inflammatione gravissima oculo inducta, discussæ †.

LXXXVIII. Plurima remedia, ad caliginem lentis discutiendam utilia, memorantur.

LXXXIX. Apud veteres, teste PLINIO ‡, MILETUS oculorum suffusiones felle hominis, ut quoque ursino, sanari scripsit.

xc. Auctor minimè jocosus, LE MOINE §, nos certiores fecit, mulierem cataractâ incipiente in utroque oculo laborantem, assiduè diuturnèque millepedes viventes devorando, curatam esse !

xcI. Viventes

\* WATHEN on the Cataract.

† Mem. Med. Soc. Lond. vol. iii.

‡ PLIN. Hist. Nat. lib. 28. Proœm.

§ LE MOINE. apud HALL. Disp. Chir. vol. ii. p. 156.



xcī. Viventes tamen devorare, ut videtur, haud necessarium est, sed, “ quòd minùs  
“ fastidiosum et nauseabundum, succum ex-  
“ pressum haurire sufficiat.” !!

xcii. Ab aliis, hydrargyrum multùm laudatur; et sternutamentum ex subsulphate hydrargyri, et pulvere nicotianæ tabaci, aut pulvere asari composito, conflatum, auctore Domino WARE, profuisse compertum est.

xciii. Jampridem BOERHAAVIUS pulverem ex saccharo et muriate hydrargyri miti, simili cum intentione præscripsit\*.

xciv. Exulceratoria, et hirudines temporibus admoti, parùm profuerunt.

xcv. A quibusdam camphora et atropa belladonna, tum singulæ, tum simul adhibitæ, commendantur.

xcvi. Narcotica alia, ut conium maculatum, hyoscyamus niger, et præsertim arnica montana, plurimùm celebrantur; experientia autem eulogium minimè adfirmavit.

xcvii. WATHEN et WARE vaporis ætheris sulphurici, PLENCK † vaporis ammoniæ, per  
breve

---

\* BOERHAAV. de Morb. Ocul.

† PLENCK. Doctrin. de Morb. Oculor.

breve tempus subinde oculo adhibiti, usum monent.

xcviii. Verùm inter omnia remedia, quibus morbis oculorum longis usitatè occurritur, multùm eminet electricitas, et identidem morbum incipientem fugavit.

xcix. Inventum Galvanicum, quod species electricitatis mitior, posthac, ut verisimile videtur, haud sine fructu usurpetur.

c. “ Promissiones,” GALENI verbis uti, “ omnium horum pharmacorum magnæ sunt, “ verùm effectus aliquando nullus, aliquando “ valdè exiguus †,” et plerumque ad ferrum chirurgi refugiendum est.

ci. Duplice modo manus, cataractæ laborantibus, opitulatur: Lens enim caligata, aut e loco suo divellitur, et ad fundum latusve oculi relinquitur, aut ex oculo penitus extrahitur.

cii. Post longam de utriusque operationis commodis controversiam, nunc chirurgorum plerique extractionem anteferunt.

ciii. Haud

---

\* GALEN, de Compos. Medicam. fec. locos, l. 4. c. 4.

ciii. Haud mihi in animo est modum operationem peragendi, describere : fusè a scriptoribus chirurgicis, præsertim WATHEN, RICHTER, WENZEL, BELL et CALLISEN, exponitur : quædam tamen observare haud alienum esse videtur.

civ. Præcl. MONRO, cui alii haud pauci assentiuntur, in cataracta extrahenda, sectionem corneæ ex superiore parte nos facere suadet.

cv. Namque, “ Retentâ (inquit) humoris vitrei dimidiâ parte, inter operandum, “ minùs foret periculi iridem vulnerandi ; atque, porrò, cùm multò plura objecta infra “ pupillam, quàm supra hanc, sita contemplamur, æger, post sanationem vulneris, incommodi multò minùs a cicatrice corneæ supra “ pupillam, quàm ab hac infra eam, patertur.”

cvi. Errant multùm, MONRONE judice, oculistæ qui se lentem unà cum capsula sua, sine saltem humoris vitrei summa injuria, extrahere posse credunt ; adeò arctus enim est hu-

jus



jus capsulæ, involucro humoris vitrei, nexus, ut nequicquam ab eo impunè separari queat.

CVII. In lentis extractione, maximi momenti est tum ægro, tum chirurgo, ut oculus immobilis, et pupilla quàm maximè dilatata, teneantur.

CVIII. REIMARUS \* nos certiores fecit, extractum atropæ belladonnæ consiliis utrisque respondere. Guttæ aliquot hujus extracti, aquâ commixti, in oculum instillatæ, paralyfin musculorum brevi inducunt; simulque iris adeò se contrahit, ut facillimè cornea secari, et lens extrahi, possit.

CIX. Solutio ante operationem circiter semihoram adhibenda est. Dr GRASSMEYER observationem REIMARI experimentis probavit †.

CX. Annus circiter est, quum chirurgus Londinensis, Eques JACOBUS EARLE, methodum lentis extrahendæ, ut dicit, novam melioremque in lucem edidit.

CXI. Depressione

---

\* Medic. and Phys. Journ. No. 14.

† Ibid.

cxr. Depressione pariterque extractione, usitate factâ, illi non placentibus, utrasque quodammodo conjungere conatus est.

cxii. Instrumentum igitur confinxit, quo lentem, sine corneæ vulnere, extrahere possit.

cxiii. Constat ex acu lanceolata, cui adaptatur canula bifida, sic ut, simul in oculum immissis, et acu retractâ, laminæ canulæ, modo forcipis, divaricentur, lentemque prehendant\*.

cxiv. Auctor ingeniosus rectè observat, hujusmodi propositiones, absque exemplis earum utilitatis, non accipiendas esse; exempla itaque duo vel tria protulit oculorum caligantium a se hujus instrumenti ope sanatorum.

cxv. Hujus auctoris neque ingenio neque veracitati diffidere consilium est; sed operatio proposita tot difficultatibus periculisque laborare mihi videtur, quot certè plerisque usum ejus penitùs præcludunt.

cxvi. Neque tamen auctor methodum *novam* proposuit, neque *novum* instrumentum.

cxvii. Abhinc

\* EARLE on the Cataract.



CXVII. Abhinc annos plus centum, anno scil. 1695, ALBINUS dissertationem de Cataracta edidit, in qua, de operatione eadem et simili instrumento, mentionem fecit:

CXVIII. "Annus circiter est, cùm circumforaneus ..... qui gloriabatur, se acum habere, quâ cataractam ex oculo commodè educere posset \*," &c.

CXIX. Tentamen hocce nunc demum ad finem perduxi. Errores sine dubio scatent, quamvis eas, pro virili, evitare conatus sim. Qualecunque fit, lectori candido mando.

1.50  
30  
3.30  
2.60  

---

7.80

---

\* HALLER, Disp. Chirurg. vol. ii. p. 61.

F I N I S.

